



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt V. Sermones de suspensione Conilij.

urn:nbn:de:hbz:466:1-11665

C A P V T V.

Sermones de suspensione Concilij.

SVspensionis consilium visum est Montano debile simul ac periculosum, ^a persistente adhuc Tridenti Cæsarianorum cohorti, necdum prolatâ sententiâ de legitima translatione, adeo que de non extante ibi Concilio. Cùm autem Pontifex se procluem ostendisset ad id palam declarandum, Mendoza verò præmonuisset, vbi id fieret, se acrius protestaturum; Montanus ^b in libello varia consilia proposuerat, plus quidem minûsve periculis obnoxia, sed cuncta vehementia; ac multò ægriori fuit animo, ^c cùm resciuit, consilium de cœtu Romæ destinato pariter elanguisse. Et enim cùm per eos dies in dysenteriæ morbum senex Pontifex incideret, à medicis ad captandam Viterbiensem auram sibi familiarem, quâ recrearetur, missus est: quod causa fuit, vt molestiorum operum cura & cogitatio seponerentur. Sed confessim ad ea Pontifex animo rediit, & ad Episcopos Bononiâ profectos litteras dedit, vt paratis animis, quandocumque aduocarentur, ^d ad opus conficiendum redirent.

2 De reliquo, consilium ne progrederetur ad pronuntiandam de legitima translatione sententiam, non Pauli, ciûlve nepotis singulare fuit, sicuti quidam opinabantur, sed commune Senatoribus ad ea negotia destinatis, ^e quemadmodum postea Archiepiscopo Matarano Ceruinus testatus est. Causa verò huiusc consilij ea fuit, quod Pontifici satis virium ad validius certamen non inerat. Spes Gallicarum partium in dies defluebat, propterea quod Henricus, cùm in irrigum concidisset arcana quædam in Gonzagam (vt assolet) conspiratio, cuius fiducia in Pedemontanam ditionem illum traxerat, Galliam exemplò repetiit: ^f vertitque consilia & vires ad Scotiam defendendam, Anglorum tunc armis petitam, molientium sic adigere Mariam, adhuc puellam ac pupillam, ad nuptias cum Eduardo Rege ineundas; quâ potentiae accessione longè formidabiles forent Gallis, suis antiquis ac finitimis æmulis. Contra verò Henricus illis obfistere conabatur, cùm ob rem ipsam sollicitus, tum cupidus ex concepta iam spe coniungendæ Mariæ, quæ Ghibeliorum sibi clientium fororis filia erat, cum suo Delphino: quod postmodum euenit. Ad aliam itaque expeditionem distractus, in qua pariter utilitas cum Religione copulabatur, & à qua tamen cum remouere Pontifici non licebat, numquam deponendam Ro-

Pars II.

Cc

mx

1549. mæ pecuniam curauit : quin semper difficilem sese præbuit in iuris dictione Ecclesiastica per suas prouincias redintegranda. Quapropter Pontifex, vsque ab initio veritus ne hac viâ insistens, solum quo nitebatur fatisceret, numquam vtrumque pedem in eo fixerat: ac proinde cum Henricus Taurinum accessit, Paulus illi obuiam

^g Data ipsi
ta mandatis
extant in Vt-
biensi Bi-
bliotheca.

celeriter misso Bartholomæo Caualcante, apud Regem gratiose, ipsum rogaturo, vt Apostolicæ Sedis ac Farnesiis patrocinaretur, adiectâ excusatione, quod nullus ex nepotibus iustas ob causas id munieris obiisset; iniunxit simul, vt de Synodo rebusque cum ea conexis, ob oculos illi poneret necessitatem, quâ Pontifex cogebatur ad satisfaciendum postulatis Cæsaris; qui ex eo paratum animum præ se gerebat ad edictum *Interim* supprimendum, desistendumque ab incepto aduersus translationem. Eumdem etiam Caualcantem iussit operam dare, vt Regem pertraheret ad consentiendum suspensioni, quam Cæsar quærebat. Et quamvis postea Caualcantis oratio nequaquam satis fuisset ad Regem permouendum, non tamen ab inito consilio Paulus recessit, continuatis interim apud

^b Omnia sunt
in litteris ci-
tatis Farne-
si ad Gallia-
Nuntiis.

Henricum Nuntij studiis. Itaque dum Rex cuperet, ut missio Praesulm in Germaniam omnino negaretur, minitatus, sicuti significavimus, se suos Episcopos Oratoresque Bononiæ reuocaturum; Pontifex illi exposuerat, Tot animarum salutem à se honestè non posse destitui: id se fuisse pollicitum per responsa primò redditâ Mendoza de rebus à Madruccio postulatis; quæ responsa & coram & consentiente priùs Senatu, & præsertim Gallicis Cardinalibus, data fuerant: Mendoza à Cæsare imperari, vt acceptâ huiusmodi repulsâ, contestationem eius nomine ratam haberet; quod hominum oculis aliquem speciosæ rationis colorem offudisset: Praesules in Germania Regis consiliis haud obsfuturos; quin potius per opportunitatem significaturos Catholicis Germaniæ Principibus societatem firmatam, ad quemcumque Christianorum Principum contra violentiam Cæsaris propugnandum; adeoque diminutâ ab eorum vocibus per illas regiones de Cæsare formidine, eiusdem pariter potentiam diminutum iri. Nec Regi dubitandum esse, pro eo ac ostendebat, ne è ratione, si Sedes vacasset, eleæcio in Germania tentaretur: nam ob eamdem etiam causam volebat Pontifex inferiores Praesules illuc mittere, non Purpuratos, vt Purpuratorum minor numerus, vbi res accideret, iis in locis à Cæsare cogi posset. Si Galici Patres Bononiam defererent, causam potius Cæsaris per id foturos; cum ita pateferet, nullam ex exteris nationibus consentire Concilio, nec tamquam Oecumenicum illud agnoscere; ac proinde

inde adactum iri Pontificem ad ipsum Tridento restituendum, quod fama satisficeret.

1549

3 His commotus rationibus Gallus, de memorata in Germaniam missione cum Pontifice haud questus fuerat: numquam tamen defterat suspicionem sollicitudinemque ob eam, & ob Ardinghelli, ac postea ob Vrsini missionem præ se ferre. Sed illa Pontifex excusarat, causatus haud sibi licere ea officia prætermittere, quibus palam fieret, à se expeti pacem reconciliationemque pro eo quod communem parentem decebat; simulque luculentius pateret iniqua Cæsaris causa, atque iniecta sibi necessitas ad minus sedata consilia capefenda. Se quidem, si quodcumque aliud spectaretur, satis intelligere, huiusmodi officia esse irrita, adeoque ob expectationem incerti quasi exitus illorum officiorum, retardandum non esse sc̄deris negotium; se verò cum Rege subinde communicaturum ingenuè quidquid à Cæsare eliciisset. Verumtamen cùm Pontifici spes seu tepefaciendi Cæsaris, Bononiense Concilium auersantis, seu inflammandi Regis ad armatum patrocinium, minus procederet, suum apud animum statuit, nullam id temporis pronuntiare sententiam, cui postea executor deesset; semper sibi retentā potestate ad eam progrediendi, cùm id rerum conditiones persuadent. Nec interim omisit consilium Præsules Romam conuocandi per vocabulum, minus quam Synodus Carolo inuisum, eorumque interuentu atque auctoritate deprinendi, & ubi vellet, condemnandi tenuem cœtum Tridentinum. Qua de re intelligebat, sententiam sibi honestiorem futuram, quia laudabilem & efficaciem, cùm facilius, & ex causa magis conspicua necessitatis effici posset, ne Synodus extaret Tridenti Cæsare solūm nolente, quam ut extaret Bononiae Cæsare inuito. Profectò egregiè sapiunt Principes, ubi exemplum sibi petunt ab eo quod videre est in agentium terrestrium maximo, hoc est in Natura; quæ si quidquam efficiendum suscipit suis tunc viribus superius, aut nihil, aut monstrum, aut abortum facit.

C A P V T VI.

Offensiones ob Parmam ortæ inter Pontificem & Octauium Farnesum. Pauli mors, & successoris electio.

DUm hisce curis Paulus agitabatur, aliæ ex improviso accedere adeò acerbæ, ut præ tristitia illum extinxerint. Mortis certè genus iis frequentissimum, quibus tamquam beatis mortales inuident. Per hæc postrema tempora voluebat in animo

Cc 2

Ponti-